

# CAREGHE VÊUE

Testo e musica di Francesca Traverso Tardy

(versione in genovese)

...e tütte 'ste careghe chi davanti  
me contan dentro ai lividi tramonti  
de tante stöie e de sò fin ciù liete  
o a fin de 'n grande amô e dä sò stöia  
...e tutte 'ste careghe pæge e vêu  
son vêu comme a l' è a mæ fantaxia  
son pæge ä stanca mæ monotonia  
di giorni pægi e vêu senza de ti

Onda onda onda onda porta via  
onda onda questa mæ malinconia  
pe questa stæ che a l' é  
passà senza de ti

Onda onda onda onda porta via  
a strûggente sensazion de nostalgia  
e quell'amäo che o l' é  
amäo ciù dell'arfé

Mi so che a speranza de inconträte  
mi so che a speranza de riaveite  
a l' è piccinn-a

Onda onda mi vurrieiva puei ascordäme  
quell'amô amäo e quella nostalgia  
che a vive dentro a mi  
e che a me fa senti  
che a vitta senza ti a l' é finia

Stanêutte a nêutte a chinn-a lentamente  
con ombre neigre e scûe all'orizzonte  
me pan queste careghe chi davanti  
fantâximi che çercan 'n pö de päxe,  
fantâximi che çercan 'n pö de päxe  
'nta nêutte che a se perde all'orizzonte  
e ninte a mi me pà che ciù no conte  
da quando questo amö o l' è finïo

Vêue e pæge, pæge e vêue, mæ careghe,  
testimoin de chissà quanti sentimenti  
finïi finïi coscì  
coscì senza un perché  
Vêuo e amäo, amäo e vêuo o tramonto  
che o granfigna senza lûxe o mæ mondo  
che o resta vêuo de ti  
e mi non son ciù mi

Ormai a speranza de inconträte  
ormai a speranza de riaveite  
a l' é piccinn-a

...'ste careghe pæge e vêue 'nto tramonto  
di mæ sêunni ch'ean tûtto o mæ mondo  
ciù ninte me restià  
se o mêue dentro de mi  
l'amô che o l' é pe mi  
careghe vêue

ciù ninte me restià  
se o mêue dentro de mi  
l'amô che o l' é pe mi  
careghe vêue